

友古詞一卷

蔡伸

友古詞

目錄

水調歌頭三調
飛雪滿羣山二調
念奴嬌五調
憶瑤姬一調
婆羅門引一調
虞美人七調
南鄉子二調
清平樂三調
阮郎歸一調
卜算子六調
定風波二調
醉落魄四調
長相思三調
七娘子一調
漁家傲一調

滿庭芳五調
水龍吟一調
雨中花慢一調
醜奴兒慢一調
青玉案二調
生查子五調
菩薩蠻十一調
鷓鴣金門二調
柳梢青三調
小重山四調
點絳脣十一調
極相思二調
西地錦一調
感皇恩二調
西樓子二調

蘇武慢一調
蕩山溪四調
喜遷鶯一調
滿江紅一調
浣溪沙十三調
南歌子三調
憶秦娥二調
憶王孫一調
好事近二調
踏莎行六調
昭君怨一調
玉樓春二調
歸田樂一調
減字木蘭花五調
御街行一調

友古詞

目錄

宋六十名家詞

二

洛陽春一調	臨江仙七調	瑞鷓鴣一調
惜奴嬌一調	行香子一調	一翦梅三調
六么令一調	鎮西一調	看花同 一調
訴衷情一調	浪淘沙一調	如夢令二調
愁倚闌三調	望江南一調	春光好一調
風流子一調	朝中措二調	侍香金童一調
江城子一調	西江月一調	蒼梧謠一調
採桑子一調	洞仙歌一調	瑞鷓鴣一調

友古詞

宋 蔡 伸

水調歌頭（用盧贊兄韻別彭城）

醉擊玉壺飲。恨寫綠琴哀。悠悠往事誰問。離思渺難裁。綠野堂前桃李。燕子樓中歌吹。那忍首重回。唯有舊時月。遠遠逐人來。小庭空。清夜永。獨徘徊。伴人幽怨一枝。瀟灑隴頭梅。斷雲帆西去。目送煙波東注。千里接長淮。爲我將雙淚。好過楚王臺。

又（時居莆田）

亭皋木葉下。原隰菊花黃。憑高滿眼秋思。時節近重陽。追想彭門往歲。千騎雲屯平野。高宴古毬場。弔古論興廢。看劍引杯長。感流年。思往事。重淒涼。當時坐間英俊。強半已凋亡。慨念平生豪放。自笑如今霜鬢。漂泊水雲鄉。已無功名志。此意付清觴。

又

相逢非草草。分袂太匆匆。征裘淚痕過。徧。眸子怯酸風。天際孤帆難駐。柳外香鞵望斷。雲雨各西東。回首重城遠。樓觀暮煙中。黯銷魂。思陳事。已成空。東郊勝賞歸路。騎馬踏殘紅。月下一尊芳酒。凭闌幾曲清歌。別後少人同。爲問桃花臉。一笑爲誰容。

滿庭芳

煙鎖長隄。雲橫孤嶼。斷橋流水溶溶。凭闌凝望。遠目送征鴻。桃葉溪邊舊事。如春夢回首無蹤。難忘處。紫薇花下。清夜一尊同。東城攜手地。尋芳選勝。賞徧珍叢。念紫簫聲闕。燕子樓空。好是盧郎未老。佳期在。端有相逢。重重恨。聊憑紅葉。和淚寄西風。

又

風捲龍沙。雲垂平野。晚來密雪交飛。坐看闌檻。瓊蕊徧寒枝。妝點闌房景致。金鋪掩簾幕低垂。紅爐畔。淺斟低唱。天色正相宜。更闌人半醉。香肌玉暖。寶髻雲欹。又何須高會。梁苑瑤池。堪笑子猷訪戴。清興盡。忍凍空回。仍休羨。漁人江上。披得一蓑歸。

又

鸚鵡洲邊。芙蓉城下。迴然水秀山明。小舟雙槳。特地訪雲英。驚破闌衾好夢。開朱戶一笑相迎。良宵永。南窗皓月。依舊照娉婷。別來無限恨。持杯欲語。恍若魂驚。愴雲時相見。又慘離情。還是匆匆去也。重攜手。密語叮嚀。佳期在。寶釵鸞鏡。端不負平生。

又

秦洞花迷。巫陽夢斷。夜來曾到藍橋。洞房深處。重許見雲翹。蕙帳殘燈耿耿。紗窗外疎雨蕭蕭。雙心字。重衾小枕。玉困不勝嬌。尋常愁夜永。今宵更漏。彈指明朝。敘深情幽怨。淚裏香綃。記取于飛厚約。丹山□別選安巢。驂鸞去。青霄路穩。明月共吹簫。

又

玉鼎翻香紅爐疊勝綺窗疎雨瀟瀟故人相過情話款良宵酒量微紅襯臉橫波浸滿眼春嬌雲屏掩鴛鴦被暖欹枕聲寒潮如今成別恨臨風對月總是無聊念傷心南陌執手河橋還似一場春夢離魂斷楚些難招佳期在踏青時候花底聽鳴鏢

蘇武慢

雁落平沙烟籠寒水古壘鳴笳聲斷青山隱隱敗葉蕭蕭天際暝鷗鷺亂樓上黃昏片帆千里歸程年華將晚望碧雲空暮佳人何處夢魂俱遠憶舊遊邃館朱扉小園香徑尙想桃花人面書盈錦軸恨滿金徽難寫寸心幽怨兩地離愁一尊芳酒淒涼危闌倚徧儘遲留憑仗西風吹乾淚眼

飛雪滿羣山（又名滿舟尋舊約）

冰結金壺寒生羅幕夜闌霜月侵門翠筠敲竹疎梅弄影數聲雁過南雲酒醒欹檣枕愴猶有殘妝淚痕繡衾孤擁餘香未減猶是那時熏長記得扁舟尋舊約聽小窗風雨燈火昏昏錦柁纔展瓊籤報曙寶釵又是輕分黯然攜手處倚朱箔愁凝黛顰夢回雲散山遙水遠空斷魂

又

絕代佳人幽居空谷綺窗森玉猗猗小舟雙槳重尋舊約洞房宛是當時夜闌紅燭暗黯相對

渾如夢裏。旋烘鴛錦。塵生繡帳。香減縷金衣。須信有盟言同皎日。利牽名役。事與君違。君已許。今生來世。兩情到此。奚疑彩鸞須鳳友。算何日丹山共歸。未酬深願。綿綿此恨。無盡期。

水龍吟（重過舊隱）

畫橋流水桃溪路。別是壺中佳致。南樓夜月。東窗疎雨。金蓮共醉。人靜回廊。並肩攜手。玉芝香裏。念紫簫聲斷。巫陽夢覺。人何在。花空委。寂寞危闌獨倚。望仙鄉。水雲無際。芸房花院。重來空鎖。蒼苔滿地。物是人非。小池依舊。彩鸞雙戲。念當時風月。如今懷抱。有盈襟淚。

暮山溪（登歷易城樓）

孤城暮角。落日邊聲靜。醉袖拂危闌。對天末孤雲愁凝。吳津楚望。表裏抱江山。山隱隱。水迢迢。滿目江南景。羈懷易感。往事傷重省。羅袂浥殊香。鬢星星。忍窺清鏡。瓊英好在。應念玉關遙。凝淚眼。下層樓。回首平林暝。

又

疎梅雪裏已報東君信。冷豔與清香。似一個人人標韻。晚來特地。酌酒慰幽芳。攜素手。摘纖枝。插向烏雲鬢。老來世事。百種皆消盡。榮利等浮雲。謾汲汲徒勞方寸。花前眼底。幸有賞心人。歌金縷。醉瑤卮。此外君休問。

又

書雲今日雪霽。嚴凝候。玉輦想回鑾。正花覆千官錦繡。周南留滯。清夢繞觚稜。心耿耿。路迢迢。此際空回首。許堂薦壽玉筍持椒酒。一曲囀春鶯。更祝我膺時納祜。功名富貴。老去已灰心。唯只願。捧觴人。歲歲長依舊。

又

金風玉露。時節清秋候。散髮步閑亭。對熒熒一天星斗。悲歌慷慨。念遠復傷時。心耿耿。髮星星。倚仗空搔首。區區戀豆。豈是甘牛後。時命未來間。且只得低眉袖手。男兒此志。肯向死前休。無限事。幾多愁。總付杯中酒。

念奴嬌

凌空寶觀。乍登臨多少。傷離情味。淼淼烟波吳會遠。極目江淮無際。檻外長江。樓中紅袖。淡蕩秋光裏。一聲橫吹。半灘鷗鷺驚起。因念遠館香閨。玉肌花貌。有盈盈仙子。弄水題紅傳密意。寶墨銀鈎曾寄。淚粉香銷。碧雲路杳。脈脈人千里。一彎新月。腸斷危闌獨倚。

又

歲華晚晚。念騷懷多感。佳會難卜。草草杯盤聊話舊。同翦西窗寒燭。翠袖籠香。雙蛾斂恨。低按新翻曲。無情風雨。斷腸更漏催促。匆匆歸騎難留。鸞屏鴛被。忍良宵孤宿。回首幽歡成夢境。唯覺衣襟芬馥。海約山盟。雲情雨意。何日教心足。不如不見。爲君一味愁蹙。

又

畫堂宴闋。望重簾不捲。輕啞朱戶。悄悄回廊。驚漸聞。蟋蟀淩波微步。酒力融春。香風暗度。攜手
低金縷。低低笑問。睡得真箇穩否。因念隔關經年。除非魂夢裏。有時相遇。天意憐人心在了。
豈信關山遐阻。曉色朦朧。柔情睠戀。後約叮嚀語。休教腸斷。楚臺朝暮。雲雨。

又

常年豪放。況朋儕俱是一時英傑。逸氣凌雲佳麗地。獨占春花秋月。冶葉倡條。尋芳選勝。是處
曾攀折。昔遊如夢。鏡中空嘆華髮。邂逅萍梗相逢。十年往事。忍尊前重說。茂綠成陰春又晚。
誰解丁香千結。寶瑟彈愁。玉壺敲怨。獨日堪愁絕。酒闌人靜。爲君腸斷時節。

又

輕雷驟雨。洗千巖濃翠。層巒森列。衣袂涼生。叢竹外。時有飛螢明滅。雲浪鱗鱗。蘭舟泛泛。共載
一輪月。五湖當日。未應此段奇絕。歸路橫玉驚鸞。叫雲清似水。悠颺天末。玉宇瓊林凝望處。
依約廣寒宮闕。老去情鍾。此心仍在。不肯甘華髮。清歡留作。異時嘉話重說。

雨中花慢

寓目傷懷。逢歡感舊。年來事事疎慵。嘆身心業重。賦得情濃。況是離多會少。難忘雨跡雲蹤。望
斷無錦字。雙鱗杳杳。新雁離離。良宵孤枕。人遠天涯。除非夢裏相逢。相逢處。愁紅斂黛。還又

匆匆回首綠窗朱戶。可憐明月清風。斷腸風月。關河有盡。此恨無窮。

喜遷鶯

青娥呈瑞。正慘慘暮寒。同雲千里。翦水飛花。漸漸瑤英密洒。翠筠聲細。邃館靜深。金鋪半掩。重簾垂地。明窗外。伴疎梅。滿洒玉肌香膩。幽人當此際。醒魂照影。永漏愁無寐。強拊清尊。慵添寶鴨。誰會黯然情味。幸有賞心人。奈咫尺。重門深閉。今夜裏。算忍教孤負。濃香鴛被。

憶瑤姬（南徐連滄觀賞月）

微雨初晴。洗瑤空萬里。月掛冰輪。廣寒宮闕。望素娥。縹緲丹桂亭亭。金盤露冷。玉樹風輕。覺秋思清。念去年曾共吹簫侶。同賞蓬瀛。奈此夜旅泊江城。漫花光眩目。綠酒如澗。幽懷終有恨。恨綺窗清影。虛照娉婷。藍橋杳。楚館雲深。擬憑歸夢去。強就枕。無奈孤衾夢易驚。

醜奴兒慢

明眸秀色。別是天真瀟灑。更鬢髮堆雲。玉臉淡拂輕霞。醉裏精神。衆中標格。誰能畫。當時攜手。花籠淡月。重門深亞。巫峽夢回。已成陳事。豈堪重話。漫贏得羅襟清淚。鬢邊霜華。念傷懷。凭闌煙水渺無涯。秦源目斷。碧雲暮合。難認仙家。

滿江紅

人倚金鋪。翠黛盈盈墮。話別處。留連無計。語嬌聲咽。十幅雲帆。風力滿。一川煙暝。波光闊。

但回首極目望高城。彈清血。並蘭舟。停畫楫。曾共醉。津亭月。銷魂處。今夜月圓人缺。楚岫雲歸空悵望。漢皋珮解成輕別。最苦是拍塞滿懷愁。無人說。

婆羅門引（再遊仙潭薛氏園亭）

素秋向晚。歲華分付木芙蓉。蕭蕭紅蓼西風。記得當時擷翠。攜手繞芳叢。念吹簫人去。明月樓空。遙山萬重。望寸碧。想眉峯。翠鈿瓊瑤漫好。誰適爲容。淒涼懷抱。算此際。唯我與君同。凝淚際目送征鴻。

青玉案（和賀方回韻）

參差弱柳長隄路。弱柳外征帆去。皓齒明眸嬌態度。回頭一夢。斷腸千里。不到相逢地。來時約略春將暮。幽恨空餘錦中句。小院重門深幾許。桃花依舊。出牆臨水。亂落如紅雨。

又

鸞鳳本是和鳴友。奈無計長相守。雲雨匆匆分袂後。綵舟東去。櫓聲啞軋。月斷長隄柳。清淚輕綃透。殘粉餘香尙依舊。獨上南樓空回首。夜來明月。怎知今夜。少箇人攜手。

浣溪沙（壬寅五月西湖）

雙佩雷文拂手香。青紗衫子淡梳妝。冰姿綽約自生涼。虛掉玉釵驚翡翠。緩移蘭棹趁鴛鴦。鬢鬟風亂精雲長。

又

玉趾彎彎一折弓。秋波翦碧豔雙瞳。淺顰輕笑意無窮。
夜靜擁爐熏鵲腦。月明飛棹採芙蓉。別來歡事少人同。

又（仙津二首）

蘋末風輕入夜涼。飛橋畫閣跨方塘。月移花影上迴廊。
璨枕隨釵雲鬢亂。紅綿撲粉玉肌香。起來攜手看鴛鴦。

又

窗外疎簾對節金。畫橋新綠一篙深。沈沈清夜對橫參。
酒暈半消紅玉臉。雲鬢輕製小犀簪。夢回陳迹杳難尋。

又（崑山月華閣）

沙上寒鷗接翼飛。潮生潮落水東西。征船鳴櫓趁潮歸。
望斷碧雲無錦字。漫題紅葉有新詩。黃昏微雨倚闌時。

又

漠漠新田綠未齊。柳陰陰下水平隄。竹間時有乳鴉啼。
雲歛屏山橫枕畔。夜闌壁月轉林西。玉芝香裏綵鸞棲。

又

紫燕雙雙掠水飛。廉纖小雨未成泥。離邊開盡野薔薇。
會少離多終有恨。暫來還去益堪悲。後期重約採蓮時。

又

窄窄霜綃穩稱身。強臨歌酒慘離魂。故人相遇益傷神。
斷雨殘雲千里隔。瓊枝璧月四時新。爲君留取鏡中春。

又

且鬪尊前見在身。昔遊如夢可銷魂。玉容依約舊精神。
千里重來人事改。一杯相屬意還新。韶華不減洞中春。

又（賦向伯恭薊林木犀二首）

木似文犀感月華。寸根移種自仙家。春蘭秋菊浪誇誇。
玉露初零秋夜永。幽香直入小窗紗。此時風月獨輸他。

又

葉翦玻璃蕊糝金。清香端不數瓊沈。獨將高韻冠薊林。
千里江山新夢後。一天風露小庭深。玉人歸興已駸駸。
（伯恭時守平江府。署中有木犀。開時大起歸興。余故有後詞末韻。不數月得請歸薊林舊隱。）

又

淺褐衫兒壽帶藤。碾花如意枕冠輕。鳳鞋弓小稱娉婷。約略梳妝隨事好。出塵標韻出塵清。一枝梅映玉壺冰。

又

窗外桃花爛漫開。年時曾伴玉人來。一枝斜插鳳凰釵。今日重來人事改。花前無語獨徘徊。淒涼懷抱可憐栽。

虞美人

瑤琴一弄清商怨。樓外桐陰轉。月華澄淡露華濃。寂寞小池煙水。冷芙蓉。攀花擷翠當時事。綠葉同心字。有情還解憶人無。過盡寒沙新雁甚。無書。

又

飛梁石徑關山路。慘淡秋容暮。一行新雁破寒空。腸斷碧雲千里水溶溶。鸞衾欲展誰堪共。簾幕霜華重。鴨爐香盡錦屏中。幽夢今宵何許與君同。

又

紅塵正馬長安道。人與花俱老。緩垂鞭袖過平康。散盡高陽零落少年場。朱絃重理相思調。無奈知音少。十年如夢儘堪傷。樂事如今回首做淒涼。

又（甲辰入燕）

綵旗搖曳橋烏轉。鵲首征帆展。高城樓觀暮雲平。鼓凝笳都在斷腸聲。綠窗朱戶空回首。明月還依舊。亂山無數水茫茫。誰念塞垣風物。嗟悽惶。

又

堆瓊滴露冰壺瑩。樓外天如鏡。水晶雙枕襯雲鬢。臥看千山明月聽潺湲。渡江桃葉分飛後。馬上猶回首。郵亭今夜月空圓。不似當時攜手對嬋娟。

又

碧溪曾寄流紅字。忍話當時事。重來種種盡堪悲。有酒盈杯聊爲故人持。夜闌剪燭西窗語。懷抱今如許。尊前莫訝兩依依。綠鬢朱絃不似少年時。

又

鸞屏繡被香雲擁。平帖幽閨夢。覺來重試古龍涎。深灶玉爐燒氣不燒煙。匆匆人去三更也。月到迴廊下。出門無語送郎時。淚共一天風露溼羅衣。

生查子

畫堂初見伊。明月常窗滿。今夜月如眉。話別河橋畔。重見約中秋。莫負于飛願。免使月圓時。兩處空腸斷。

又
霜寒月滿窗。夜永人無寐。絳蠟有餘情。偏照鴛鴦被。
看盡舊時書。滴盡今生淚。衙鼓已三更。
還是和衣睡。

又
金壺插玉芝。人面交相照。花影滿方牀。翠疊屏山杳。
風月亦多情。特地今宵好。儘道夜初長。
彈指東窗曉。

又
幾番花信風。數點籠絲雨。並轡踏香塵。選勝東郊路。
韶華轉首空。誰解留春住。幸到綠尊前。
且作鶯花主。

又
銀缸委墜紅。碧鎖朦朧曉。別淚洒金徽。一曲情多少。
郵亭今夜長。明月香幃悄。縱使夢相逢。
何處尋蓬島。

南歌子

蕭寺疎鐘斷。虛堂夜氣清。涼蟾偏向水窗明。露井碧梧寒葉顫秋聲。
幽恨人誰問。孤衾淚獨橫。此時風月此時情。擬倩藍橋歸夢見雲英。

又

遠水澄明綠。孤雲黯淡愁。白蘋紅蓼滿汀洲。腸斷圓蟾空照木蘭舟。節物傷羈旅。歸程歎滯留。佳期已誤小紅樓。賴得今年猶有閨中秋。

又

恨入眉峯翠。寒生酒暈紅。臨期凝淚洒西風。須信世間無物似情濃。玉蹬敲霜月。金鉦伴曉鐘。淒涼古驛亂山重。今夜擁衾無寐與君同。

南鄉子

天外雨初收。風緊雲輕已變秋。邂逅故人同一笑。遲留。聚散人生宜自謀。去路指南州。萬頃雲濤一葉舟。莫話太湖波浪險。歸休。人在溪邊正倚樓。

又（宣和壬寅予與向伯恭俱爲大漕屬官向有詞云憑書續斷腸因爲此詞）

木落雁南翔。錦鯉殷勤爲渡江。淚墨銀鈎相憶字。成行。滴損雲牋小鳳凰。陳事費思量。回首煙波捲夕陽。儘道憑書聊破恨。難忘。及至書來更斷腸。

菩薩蠻（詠髮）

鴛鴦枕上雲堆綠。蘭膏微潤知新沐。開帳對華燈。見郎雙眼明。錦衾香馥郁。檻竹敲寒玉。何物最無情。曉雞啾唧聲。

又

杏花零落清明雨。捲簾雙燕來還去。枕上玉芙蓉。暖香堆錦紅。
翠翹金鈿雀。蟬鬢慵梳掠。心
事一春閑。黛眉顰遠山。

又

飛英不向枝頭住。等閑又送春歸去。雲幄翠陰浮。長隨日脚流。
玉簫吹鳳怨。驚起樓中燕。飛
去自雙雙。惱人空斷腸。

又（廣陵盛事）

水光山影浮空碧。柳絲搖曳春無力。柳岸繫行舟。吹簫憶舊遊。
舊遊堪更憶。望斷迷南北。千
古恨悠悠。長江空自流。

又

當時攜手今千里。可堪重到相逢地。觸目盡關心。流鶯尙好音。
無人知我意。只有涓涓淚。寂
寞到斜陽。羅衣裊舊香。

又

鳴笳疊鼓催雙槳。扁舟穩泛桃花浪。別淚洒東風。前歡如夢中。
夢魂無定據。不到相逢處。縱
使夢相逢。香閨豈解同。

又

金鋪半掩銀蟾滿。箇人應恨歸來晚。軋軋櫓聲遲。那知心已飛。
倚綠窗前。今宵人月圓。迎門一笑粲。嬌困橫波慢。偃

又

雙雙紫燕來華屋。雨餘芳草池塘綠。一夜擺花風。鶯花滿樹紅。
奈惜花心。老來情轉深。杯深君莫訴。醉袖歌金縷。無

又

朝來一陣狂風雨。春光已作堂堂去。茂綠滿繁枝。青梅結子時。
是惜春歸。那堪怨別離。攀枝驚晚晚。樂事孤心眼。正

又

凝羞隔水拋紅豆。嫩桃如臉腰如柳。心事暗相期。陽臺雲雨迷。
淚執柔荑。匆匆話別時。玉樓花似雪。花上朦朧月。揮

又

花冠鼓翼東方動。蘭閨驚破遼陽夢。翠被小屏山。曉窗燈影殘。
雨曉寒多。征人可奈何。並頭雙燕語。似訴橫塘雨。風

憶秦娥（西湖）

湖光碧。春花秋月無今昔。無今昔。十年往事，盡成陳迹。玉簫聲斷雲屏隔。山遙水遠長相憶。長相憶。一生懷抱，爲君牽役。

又

花陰月。蘭堂夜宴神仙客。神仙客。江梅標韻，海棠顏色。良辰佳會誠難得。花前一醉君休惜。君休惜。楚臺雲雨，今夕何夕。

清平樂

綵舟雙楫。六月臨平路。小雨輕風消晚暑。繞岸荷花無數。玉人攢枕方牀。遙知待月西廂。昨夜有情風月，今宵特地淒涼。

又

南窗月滿。繡被堆香暖。若恨春宵更漏短。應訝郎歸又晚。征帆初落橋邊。迎門一笑嫣然。今夜流霞共酌，何妨金盞垂蓮。

又

明眸秀色。肌理凝香雪。羅綺叢中標韻別。捧酒歌聲清越。不辭醉臉潮紅。卻愁歸騎匆匆。回首綠窗朱戶，斷腸明月清風。

謁金門

溪聲咽。溪上有人離別。別語叮嚀和淚說。羅巾霑淚血。儘做剛腸如鐵。到此也應愁絕。回首斷山帆影滅。畫船空載月。

又

相思切。觸目只供愁絕。好夢驚回清漏咽。燭殘香穗結。長恨南樓明月。只解照人離缺。同倚朱闌飛大白。今宵風月別。

憶王孫

涼生冰簾怯衣單。明月樓高空畫闌。滿院啼蜚人未眠。掩重關。烏鵲南飛風露寒。

阮郎歸

煙籠寒水暝禽棲。滿庭紅葉飛。蘭堂寂寂畫簾垂。霜濃更漏遲。鴛被冷。麝香微。強欹單枕時。西窗看盡月痕移。此情君怎知。

柳梢青

數聲鶗鴂。可憐又是。春歸時節。滿院東風。海棠鋪繡。梨花飄雪。丁香露泣殘枝。算未比、愁腸寸結。自是休文。多情多感。不干風月。

又

子規啼月。幽衾夢斷。銷魂時節。枕上斑斑。枝頭點點。染成清血。淒涼斷雨殘雲。算此恨、文君更切。老去情懷。春來況味。那禁離別。

又

聯璧尋春。踏青尙憶。年時攜手。此際重來。可憐還是。年年時候。陰陰柳下人家。人面桃花似依舊。但願年年。春風有信。人心長久。

好事近

花露滴香紅。花底漏聲初歇。人似一枝梅瘦。照冰壺清徹。翠蛾雲鬢爲誰容。蟲絲寶奩結。可惜一春憔悴。負滿懷風月。

又

十幅健帆風。天意巧催行客。極目五湖雲浪。沈滿空秋色。玉人應怪誤佳期。凝恨正脈脈。錦鱗爲傳尺素。報蘭舟消息。

卜算子

風雨送春歸。寂寞花空委。枝上紅稀地上多。萬點隨流水。翠黛歛春愁。照影臨清泚。應念韶華惜舜顏。洒徧胭脂淚。

又

小閣枕清流。一霎蓮塘雨。風遞幽香入檻來。枕簟全無暑。
遐想似花人。閱歲音塵阻。物是人非空斷腸。夢入芳洲路。

又（題扇）

玉斧斲冰輪。中有乘鸞女。鬢亂釵橫襟袖涼。只恐輕飛舉。
青冥縹緲間。自有吹簫侶。不向巫山十二峯。朝暮爲雲雨。

又

前度月圓時。月下相攜手。今夜天邊月又圓。夜色如清晝。
風月渾依舊。水館空回首。明夜歸來試問伊。曾解思量否。

又

重重雪外山。渺渺煙中路。路轉山橫無盡愁。正是分攜處。
望極錦中書。腸斷魚中素。錦素沈沈兩未期。魚雁空相誤。

又

春事付鶯花。曾是鶯花主。醉拍春衫金縷衣。只向花間住。
密意君聽取。莫逐東風去。若是眞心待子飛雲裏。千條路。

小重山（吳松浮天閣送別）

樓外江山展翠屏。沈沈虹影畔。綵舟橫。一尊別酒爲君傾。留不住。風色太無情。斜日半山明。畫闌重倚處。獨銷凝。片帆回首在青冥。人不見。千里暮雲平。

又

淡淡秋容煙水寒。樓高。清夜永。倚闌干。玉人不見坐長歎。簫聲遠。明月滿空山。遐想綠雲鬟。青冥風露冷。獨乘鸞。別時容易見時難。憑孤枕。聊復夢嬋娟。

又

（宣和甲辰余自彭城倅以檄燕山取道冀園見所謂陳文者於州治之簾邊聞誠不負所聞明年歸則陳已入道矣崔守呼之至卽席贈此）

流水桃花小洞天。壺中春不老。勝塵寰。霞衣鶴氅並桃冠。新裝好。風韻愈飄然。功行滿三千。嬰兒并姪女。鍊成丹。劉郎曾約共昇仙。十箇月。養箇小金壇。

又

樓上風高翠袖寒。碧雲籠淡日照闌干。綠楊芳草恨綿綿。長亭路。何處認征鞍。曉鏡嬾重看。鬢雲堆鳳髻。任闌珊。鸞衾鴛枕小屏山。人如玉。忍負一春閑。

踏莎行

珮解江皋。魂消南浦。人生惟有別離苦。別時容易見時難。算來卻是無情語。（盡戴席上語）百計留君。留君不住。留君不住君須去。望君頻向夢中來。免教腸斷巫山雨。

又（秦妓胡芳來常隸籍以其端嚴如木偶人因目之爲佛乃作是云）

如是我聞金仙出世。一超直入如來地。慈悲方便濟羣生。端嚴妙相誰能比。四衆皈依悉皆歡喜。有情同赴龍華會。無憂帳裏結良緣。麼訶脩哩脩脩哩。

又

客裏光陰傷離情味。玉觴未舉心先醉。臨岐莫怪苦留連。檣烏轉處人千里。恨寫新聲雲牋密寄。短封難盡心中事。憑君看取紙痕斑。分明總是離人淚。

又（題團扇）

落日歸雲寒斷雁。吳波淺淡山平遠。丹青寫出在霜縑。佳人特地裁團扇。漁艇孤煙酒旗

又

水滿青錢煙滋翠葆。殘英滿地無人掃。先來羈思亂如雲。無端更被春醒惱。疊疊遙山綿綿遠道。凭闌滿目唯芳草。莫驚青鬢點秋霜。盧郎已分愁中老。

又（贈老嚴道人）

玉質孤高天姿明惠。了無一點塵凡氣。白蓮空殿鎖幽芳。亭亭獨占秋光裏。一切見聞不可思議。我今有分親瞻禮。願垂方便濟衆生。他時同赴龍華會。

定風波

一曲驪歌酒一鍾。可憐分袂太匆匆。百計留君留不住。君去滿川煙暝滿帆風。目斷魂銷人
不見。但見青山隱隱水浮空。擬把一襟相憶淚。試□雲牋密洒付飛鴻。

又（丙寅四月吳門西樓之集）

老去情鍾不自持。蓼花酌酒送春歸。玉貌冰姿人窈窕。一笑清狂豈減少年時。欲上香車俱
脈脈。□□半簾花影月平西。待得酒醒人已去。凝竚斷雲殘雨儘堪悲。

點絳脣（登歷陽運雲觀）

水繞孤城。亂山深鎖橫江路。帆歸別浦。苒苒蘭皋暮。人在天涯。雁背南雲去。空凝竚。鳳樓何
處。煙靄迷津渡。

又（和安行老韻）

香雪飄零。暖風著柳籠絲雨。惱人情緒。春事還如許。寶勒朱輪。共結尋芳侶。東郊路。亂紅深
處。醉拍黃金縷。

又

背壁燈殘。臥聽簷雨難成寐。井梧飄墜。歷歷蛩聲細。數盡更籌。滴盡羅巾淚。如何睡。甫能得
睡。夢到相思地。

又

月缺花殘。世間樂事難雙美。夜來相對。把酒彈清淚。一點情鍾。銷盡若雄氣。樊籠外。五湖煙水。好作扁舟計。

又

玉筍持杯。歛紅顰翠歌金縷。綵鴛戢羽。未免羣雞妬。我爲情多。愁聽多情語。君休訴。兩心堅固。雲裏千條路。

又

人面桃花。去年今日津亭見。瑤琴錦薦。一弄清商怨。今日重來。不見如花面。空腸斷。亂紅千片。流水天涯遠。

又（丙寅）

梅雨初晴。畫闌開遍忘憂草。蘭堂清窈。高柳新蟬噪。枕上芙蓉。如夢還驚覺。勻妝了。背人微笑。風入玲瓏罩。

又

帳外華燈。翠屏花影參差滿。錦衣香暖。苦恨春宵短。畫角聲中。雲雨還輕散。河橋畔。月華如練。回首成腸斷。

又

綠萼冰花數枝清影橫疎牖。玉肌清瘦。夜久輕寒透。忍使孤芳攀折他人手。人歸後。斷腸回首。只有香盈袖。

又（送常守陳正同應之還朝）

解紱朝天滿城桃李繁陰布。彩舟難駐。忍聽驪歌舉。協理中興聖意方傾注。從今去。五雲深處穩步沙隄路。

又

雲雨匆匆洞房當日曾相遇。暫來還去。無計留春住。寶瑟重調靜聽鸞絲語。休輕負。綺窗朱戶好做風光主。

昭君怨

一曲雲和鬆響。多少離愁心上。寂寞掩屏帷。淚沾衣。最是銷魂處。夜夜綺窗風雨。風雨伴愁眠。夜如年。

醉落魄

波紋如縠。池塘雨後添新綠。海棠初綻紅生肉。雙燕歸來還認舊巢宿。凝情憑暖闌干曲。新愁無限傷心目。誰人月下吹橫玉。驚起鴛鴦飛去自相逐。

又
霜華搖落。亭亭皓月侵朱箔。夢回欹枕聽殘角。一片寒聲。風送入寥廓。眼前風月都如昨。獨眠無奈情懷惡。凭肩攜手于飛約。斷想人人。終是賦情薄。

又
明眸秀色。雙蛾巧畫春山碧。盈盈標韻傾瑤席。一見尊前。宛是舊相識。深期密語雖端的。良宵無奈成輕擲。忍教只恁空相憶。得入手來。無限好則劇。

又
陽關聲噫。清歌響斷雲屏隔。溪山依舊連空碧。昨日主人。今日是行客。綠窗朱戶應如昔。頭往事成陳迹。後期總使無端的。月下風前。應也解相憶。

極相思

碧簷鳴玉。可璫金瑣小蘭房。樓高夜永。飛霜滿院。璧月沈缸。雲雨不成巫峽夢。望仙鄉。煙水茫茫。風前月底。登高念遠。無限淒涼。

又

相思情味堪傷。誰與話衷腸。明朝見也。桃花人面。碧蘇迴廊。別後相逢唯有夢。夢回時展轉思量。不如早睡。今宵魂夢。先到伊行。

玉樓春

碧桃溪上藍橋路。寂寞朱門閑院宇。粉牆疎竹弄清蟾。玉砌紅蕉宜夜雨。箇中人是吹簫侶。花底深盟曾共語。人生樂在兩知心。此意此生君記取。

又

星河風露經年別。月照離亭花似雪。寶釵鸞鏡會重逢。花裏同眠今夜月。月華依舊當時節。細把離腸和淚說。人生只合鎮長圓。休似月圓圓又缺。

長相思

我心堅。你心堅。各自心堅石也穿。誰言相見難。小窗前。月嬋娟。玉困花柔並枕眠。今宵人月圓。

又

錦衾香。玉枕雙。昨夜深深小洞房。回頭已斷腸。背蘭缸。夢仙鄉。風撼梧桐雨洒窗。今宵好夜長。

又

村姑兒。紅袖衣。初發黃梅插稻時。雙雙女伴隨。長歌詩。短歌詩。歌裏真情恨別離。休言伊不知。

西地錦

寂寞悲秋懷抱。掩重門悄悄。清風皓月。朱闌盡開。雙鴛池沼。不忍今宵重到。惹離愁多少。蓬山路杳。藍橋信阻。黃花空老。

歸田樂

風生蘋末蓮香細。新浴晚涼天氣。猶自倚朱闌。波面雙雙彩鴛戲。鸞釵委墜雲堆髻。誰會此時情意。冰簟玉琴橫。還是明月人千里。

七娘子

天涯觸目傷離緒。登臨況值秋光暮。手撚黃花。憑誰分付。離離雁落蒹葭浦。憑高目斷桃溪路。屏山樓外青無數。綠水紅橋鎖窗朱戶。如今總是銷魂處。

感皇恩

酒暈襯橫波。玉肌香透。輕裊腰肢妬垂柳。臂寬金釧。且是不干春瘦。撚金雙合字。無心繡。雲半墮。金釵欲溜。羅袂殘香忍重嗅。渡江桃葉。腸斷爲誰招手。倚闌凝望久。眉空闕。

又

膏雨曉來晴。海棠紅透。碧草池塘裊金柳。王孫何在。不念玉容消瘦。日長深院靜。簾垂繡。枕墮釵。粉痕輕溜。玉鼎龍涎記同嗅。鈿箏重理。心事漫憑纖手。素絃彈不盡。眉峯鬬。

減字木蘭花 （癸亥元日，秀守劉廌任有詞，時余適至秀，因用其韻二首，時初因樂。）

彤庭龍尾，禮備天顏，知有喜。九奏初傳，耳冷人間十七年。盈成持守，仁德如春，漸九有三輔名州。好盤笙歌，結勝遊。

又

船回沙尾，幾誤紅窗聽鶻喜。尺素空傳，轉首相逢又隔年。寒燈獨守，玉筍持杯，寧復有秀水南州。徒使幽人作夢遊。

又

多情多病，玉貌疲來愁覽鏡。門掩東風，零落桃花滿地紅。重簾不捲，愁覩杏梁雙語燕。強拂瑤琴，一曲幽蘭淚滿襟。

又 （庚申七夕）

金風玉露，喜鵲橋成，牛女渡。天宇沈沈，一夕佳期兩意深。瓊籤報曙，忍使鸞輪容易去。明日如今，想見君心似我心。

又

錦屏人醉，玉暖香融，春有味。今日蘭舟，魂夢還隨綠水流。高城望斷，無奈城中人不見。斜倚妝樓，恨入眉峯兩點愁。

漁家傲

煙鎖池塘秋欲暮。細細前香。直到雙棲處。並枕東窗聽夜雨。偎金縷。雲深不見來時路。曉色朦朧人去住。香覆重簾。密密聞私語。目斷征帆歸別浦。空凝佇。苔痕綠印金蓮步。

西樓子

樓前流水悠悠。駐行舟。滿目寒雲衰草使人愁。多少恨。多少淚。漫遲留。何似驀然拚捨去。來休。

又

紅靴玉帶歲華。翠綃衣。並轡垂鞭妝影照清溪。長亭路。停騎處。晚涼時。空有許多明月伴雙棲。

御街行

東君不鎖尋芳路。曾是鶯花主。有情風月可憐宵。猶記綠窗朱戶。十年空想春風面。杳無計憑鱗羽。淒涼懷抱。今如許。天與重相遇。不應還向楚峯前。朝暮爲雲爲雨。算來各把平生分付。也不是惡著處。

洛陽春(柳·向誤作上陽春)

好在章臺楊柳。不禁春瘦。淡煙微雨。麴塵絲鎖。一點眉頭皺。憶自灞陵別後。青青依舊。萬絲

千縷太多情，忍攀折行人手。

臨江仙

繁杏枝頭蜂蝶亂，香風闌坐微聞。靚妝濃豔任東君。無情風雨，春事已平分。珍重主人留客意，夜闌秉燭開尊。何須歌韻遏行雲。羽觴交勸，揮麈細論文。

又

昨夜中秋今夕望，十分桂影團圓。玉人相對綠尊前。素娥有恨，應是妬嬋娟。人靜小庭風露冷，歌聲特地清圓。醉紅醺臉髻鬟偏。翠裾輕皺，端的爲留仙。

又

簾幕深深清晝永，玉人不耐春閑。鏤牙碁子縷金圓。象盤雅戲，相對小窗前。隔打直行尖曲路，教人費盡機關。局中勝負定誰偏。饒伊使倖，畢竟我贏先。

又（木犀）

仙品不同桃李豔，移來月窟雲鄉。幽姿綽約道家妝。綠雲堆髻，嬌額半塗黃。可但乍涼風月下，饒伊獨占秋光。雨中別有惱人香。錯教簫史，腸斷憶巫陽。

又

琪樹鸞棲花露重，依稀蘭洞風光。玉人相對自生涼。翠鬟瓊珮，綽約蕊珠妝。寶瑟聲沈清夢

覺夜闌明月幽窗。可堪襟袂惹餘香。斷雲殘雨。何處認高唐。

又（中秋和沈文伯）

記得南樓三五夜。曾聽鳳箏。尊前此際重興嗟。素娥端有恨。煙靄等閑遮。珍重主人留客意。厭厭緩引流霞。夜閑銀漢淡天涯。亭亭丹桂現。耿耿玉繩斜。

又（藏春君）

青潤奇峯名韞玉。溫其質並瓊瑤。中分瀑布瀉雲濤。雙巒呈翠色。氣象兩相高。珍重幽人誠好事。綠窗聊助風騷。寄言俗客莫相嘲。物輕人意重。千里贈鵝毛。

瑞鷓鴣（客有作北里選勝圖。冠以曲子名東風第一枝。哀然居首。因作此詞。）

脈脈柔情不自持。淺顰輕笑百般宜。尊前唱歇黃金縷。一點春愁入翠眉。流蕙盼。捧瑤卮。借君歌扇寫新詩。浮花漫說驚郎月。不似東風第一枝。

惜奴嬌（二作粉蝶兒）

隔闊多時。算彼此難存濟。咫尺地。千山萬水。眼眼相看。要說話都無計。只是唱曲兒詞中認意。雪意垂垂。更刮地寒風起。怎禁這幾夜意。未散癡心。便指望長偎倚。只替那火桶兒與奴暖被。

行香子

珠露初零。天宇澄明。正閑階皎月亭亭。更闌人靜。煙斂風清。更并邊桐。一葉葉、做秋聲。斗帳
鸞屏。翠被華裯。夢回時酒力初醒。綠雲堆枕。紅玉生春。且打疊起。龍牙簾、竹夫人。

一翦梅

堆枕烏雲墮翠翹。午夢驚回。滿眼春嬌。嬾嫵一嬾楚宮腰。那更春來。玉減香消。柳下朱門傍
小橋。幾度紅窗。誤認鳴鑣。斷腸風月可憐宵。忍使慇懃。兩處無聊。

又

高宴華堂夜向闌。急管飛霜。羯鼓聲乾。仙人掌上水晶盤。回按凌波。舞袖弓彎。曲罷凝嬌整
翠鬟。玉筍持杯。巧笑嫣然。爲君一醉倒金船。只恐醒來。人隔雲山。

又（甲辰除夜）

夜永虛堂燭影寒。斗轉春來。又是明年。異鄉懷抱只淒然。尊酒相逢。姑且自寬。天際孤雲雲
外山。夢繞觚稜。日下長安。功名已覺負初心。羞對菱花。綠鬢成斑。

六么令

梅英飄雪。弱柳弄新綠。冷冷畫橋流水。風靜波如縠。長記扁舟共載。偶近旗亭宿。渺雲橫玉。鴛
鴦枕上聽徹新番數般曲。此際魂清夢冷。繡被香芬馥。因念多感情懷。觸處傷心目。自是今
宵獨寐。怎不添愁蹙。如今心足。風前月下。賴有新人慰幽獨。

鎮西

秋風吹雨覺重衾寒透。傷心聽曉鐘殘漏。凝情久。記紅窗夜雪。促膝圍爐。交杯勸酒。如今頓孤歡偶。念別後。菱花清鏡裏。眉峯暗鬪。想標容怎禁銷瘦。忍回首。但雲牋妙墨。鴛錦啼妝。依然似舊。臨風淚霑襟袖。

看花回（和趙智夫韻）

夜久涼生庭院。漏聲頻促。念昔勝遊舊地。對畫閣層巒。雨餘煙簇。新詩暗藏小字。霜刀刊翠竹。攜素手。細繞回塘。菱荷香裏彩鴛宿。別後想香銷膩玉。帶圍減削。寬金粟。雖有鱗鴻錦素。奈事與心違。佳期難卜。擬解愁腸萬結。唯憑尊酒。綠望天涯斷魂處。醉拍闌干曲。

訴衷情

亭亭秋水玉芙蓉。天際水浮空。碧雲望中空暮。人在廣寒宮。雙縷枕。曲屏風。小房櫺。可憐今夜。明月清風。無計君同。

浪淘沙

樓下水潺湲。樓外屏山淡煙籠。月晚涼天。曾與玉人攜素手。同倚闌干。雲散夢難圓。幽恨綿綿。舊遊重到忍重看。負你一生多少淚。月下花前。

如夢令

人靜重門深亞。朱閣畫簾高掛。人與月俱圓。月色波光相射。瀟洒瀟洒。人月長長今夜。

又

今夜行雲何處。還是月華當午。倚徧曲闌橋。望斷錦屏歸路。空去空去。夢到綠窗朱戶。

愁倚闌

傷春晚。送春歸。步雲溪。綠葉同心雙小字。記曾題。樓外紅日平西。長亭路。煙草萋萋。雲雨不成新夢後。倚闌時。

又

天如水。月如鉤。正新秋。月影參差人窈窕。小紅樓。如今往事悠悠。樓前水。腸斷東流。舊物忍看金約腕。玉搔頭。

又

一番雨。一番涼。夜初長。滿院蛩吟人不寐。月侵廊。木犀微綻幽芳。西風透。窈窕紅窗。恰似箇人鴛被裏。玉肌香。

望江南（感事）

落花盡。寂寞委殘紅。蝶帳夢回空曉月。鳳樓人去漫東風。春事已成空。閑佇立。□□水溶溶。雲鎖亂山橫慘淡。煙籠綠樹晚冥濛。却在淚痕中。

春光好

鸞屏掩翠衾。香小蘭房。回首當時雲雨夢。兩難忘。如今水遠山長。憑鱗翼難叙衷腸。況是教人無可恨。一味思量。

風流子

韶華驚晚曉。春光倦客惜年芳。庭樾蔭濃。半藏鶯語。晚蘭香減。時百蜂忙。粉牆低嫩風滋翠葆。零露溼殘妝。風暖晝長。柳綿吹盡。澹煙微雨。梅子初黃。洛浦音容遠。書空漫惆悵。往事悲涼。無奈錦鱗杳杳。不渡橫塘。念蝴蝶夢回。子規聲裏。半窗斜月。一枕餘香。擬待自寬。除非鐵做心腸。

朝中措

章臺楊柳月依依。飛絮送春歸。院宇日長人靜。園林綠暗紅稀。庭前花謝了。行雲散後。物是人非。唯有一襟清淚。凭闌洒徧殘枝。

又

雨餘清鏡滿秋容。屏展九華峯。萬里關雲散盡。半規涼月當空。樓高夜永。憑闌笑語。此際誰同。端有妙人攜手。翛然歸路淩風。

侍香金童

寶馬行春。緩轡隨油壁。念一瞬韶光堪重惜。還是去年同醉日。客裏情懷。倍添悽惻。記南城錦徑。名園曾徧歷。更柳下人家似織。此際凭闌愁脈脈。滿目江山暮雲空碧。

江城子（秋夜觀牛女星作）

碧欄文簾小窗前。乍更闌。□□□。烏鵲南飛。愁意漸淒然。滿院蛩吟風露下。人窈窕。月嬋娟。雙星舊約又經年。信誰傳。恨綿綿。□隔明河。長作斷腸仙。爭似秦樓簫史伴。瑤臺路。共乘鸞。

西江月

翡翠蒙金衫子。鏤塵如意冠兒。持杯輕按遏雲詞。別是出塵風味。莫羨雙星舊約。願諧明月佳期。憑肩密語兩心知。一棹五湖煙水。

蒼梧謠

天休使圓蟾照客眠。人何在。桂影自嬋娟。

採桑子（孫仲益集于西齋。題侍兒作第一流。因以詞謝之。）

奇花不比尋常豔。獨步南州。往事悠悠。遼鶴重來憶夢遊。仙翁不改青青眼。一醉遲留。妙墨銀鈎。題作人間第一流。

洞仙歌

鶯鶯燕燕。本是于飛伴。風月佳時阻幽願。但人心堅固後。天也憐人。相逢處依舊桃花人面。

綠窗攜手。簾幕重重。燭影搖紅。夜將半。對尊前如夢。欲語魂驚。語未竟。已覺衣襟淚滿。我只爲相思特來。這度更休推。後回相見。

瑞鶴仙

玉貌香漫。燕瓶沈簪斷。紫簫聲絕。丹青掛寒壁。細端詳。宛是舊時標格。音容望極。奈弱水蓬山路隔。似瑤林瓊樹。韶華正好。一枝先折。淒切。相思情味。鏡中綠鬢。看成華髮。臨風對月。空羅袂。搵清血。待隨羣逐隊。開眉一笑。除你心腸。是鐵。看今生爲伊煩惱。甚時是徹。

友古詞跋

仲道莆田人。別號友古居士。忠惠公之孫也。其居距城不及五里。舍宇矮欲壓頭。猶是伊祖舊物。劉後村過而詠之曰。廟院蜂房居。想羨其同居。古風歟。但據忠惠公荔子譜云。玉堂紅一種。佳絕。正產其地。仲道從無一語詠之。何耶。其和向伯恭木犀諸闕。亦遜酒邊集三舍矣。古虞毛晉識。

宋六十名家詞